



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԳՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77

N Յ/15008

< 30 06 2023թ.

**Սուրեն Հովհաննեսի Օքմինյանին
Հասցե՝ ք.Երևան, Նոր-Արեշ 46-րդ փողոց, 7 տուն**

Ուղարկվում է վարչական մարմնի նախաձեռնությամբ ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում իրականացված վարչական վարույթի արդյունքում թիվ **8180256190** որոշումն անվավեր ճանաչելու մասին որոշման օրինակը:

Միաժամանակ տեղեկացնում ենք, որ նյութերը գրությամբ ուղարկվել են ՀՀ ՔԿ Երևան քաղաքի քննչական վարչության ՃՏՀ քննության բաժին՝ քրեական վարույթ նախաձեռնելու հարցը քննարկելու համար:

Առդիր՝ << 4 >> թերթ:

Հարգանքով՝

**Պերի պարտականությունների ժամանակավոր
կատարող, ոստիկանության գնդապետ՝**

Ա. Մաթևոսյան

Կատ. Գ.Կիրակոսյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 28.05.2023թ. կայացված թիվ **8180256190** որոշումն անվավեր ճանաչելու մասին

30.06.2023թ.

ք.Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ՝ Ա. Մաթևոսյանս, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածով, վերանայելով 28.05.2023թ. կայացված թիվ **8180256190** որոշումը,

Պ Ա Ր Զ Ե Ց Ի

2023 թվականի հունիսի 2-ին ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում ստացվել է ՀՀ ՆԳՆ ոստիկանության պարեկային ծառայության Երևան քաղաքի գնդի ՎՎԻ բաժանմունքի պետ, ոստիկանության մայոր՝ Արտյոմ Բաբիկյանի զեկուցագիրն այն մասին, որ Երևան քաղաքի գնդի 4-րդ գումարտակի, 2-րդ վաշտի պարեկ՝ Հովհաննես Մարտիրոսյանը, քաղաքացի Սուրեն Հովհաննեսի Օքմինյանի նկատմամբ 2023 թվականի մայիսի 28-ին ժամը 03:41-ին կազմել է վարչական իրավախախտման վերաբերյալ արձանագրություն և կայացրել թիվ 8180256190 որոշումը՝ Սուրեն Օքմինյանին զրկելով տրանսպորտային միջոցներ վարելու իրավունքից 1 տարի ժամկետով, քանի որ վերջինս նույն օրը ժամը 03:31-ին, Երևան քաղաքի Սայաթ-Նովա պողոտայում <<Մերսեդես>> մակնիշի 72 ZF 777 հաշվառման համարանիշի տրանսպորտային միջոցը վարել է ոչ սթափ վիճակում (վարորդի մեկ լիտր արտաշնչած օդի մեջ մաքուր ալկոհոլի պարունակությունը գերազանցում է 0.5 միլիգրամը)։ Քաղաքացի Սարգիս Օքմինյանը որոշման վերաբերյալ ծանուցվել է «Վարչական իրավախախտումների վերաբերյալ» ՀՀ օրենսգրքի 283-րդ հոդվածի 1-ին մասի համաձայն։

Նույն զեկուցագրի համաձայն կայացված որոշումը պարեկային ծառայության արձանագրությունների էլեկտրոնային հարթակ մուտքագրելիս պարզվել է, որ 10.04.2023թ.-ին Սուրեն Հովհաննեսի Օքմինյանը զրկվել է տրանսպորտային միջոցներ վարելու իրավունքից՝ 1(մեկ) տարի ժամկետով։

Զեկուցագրում նշված հանգամանքները հաստատվել են նաև կից ներկայացված վարչական իրավախախտման վերաբերյալ արձանագրության և զուգակցված թիվ 8180256190 որոշման և ՃՈ Էլեկտրոնային ռեգիստրի, ինչպես նաև վարչական ակտերի համակարգի քաղվածքների պատճենների ուսումնասիրությամբ։

Պարեկային ծառայող Հովհաննես Մարտիրոսյանի պարզաբանման համաձայն սույն թվականի մայիսի 28-ին Երևան քաղաքի Արշակունյաց պողոտայում կանգնեցրել է Սուրեն Հովհաննեսի Օքմինյանի կողմից վարած <<Մերսեդես>> մակնիշի 72 ZF 777 հաշվառման համարանիշի տրանսպորտային միջոցը և ստուգմամբ պարզվել է, որ վարորդը գտնվում է ոչ սթափ վիճակում (սթափության վիճակի զննության թիվ 01371

արձանագրություն), տվյալ պահին դյուրակիր համակարգիչը ունեցել է կապի խնդիր և հնարավոր չի եղել կատարել անձի նույնականացում և տեղում թղթային տարբերակով կազմել է վարչական իրավախախտման վերաբերյալ արձանագրություն և կայացրել թիվ 8180256190 որոշումը՝ Սուրեն Հովհաննեսի Օքմինյանին <<Վարչական իրավախախտումների վերաբերյալ>> ՀՀ օրենսգրքի 126-րդ հոդվածի 2-րդ մասի հատկանիշներով զրկելով տրանսպորտային միջոցներ վարելու իրավունքից 1 տարի ժամկետով:

«Ճանապարհային երթևեկության անվտանգության ապահովման մասին» ՀՀ օրենքի 29-րդ հոդվածի համաձայն՝

1. Անձի վարելու իրավունքը դադարում է, եթե՝ առկա է նրան անգործունակ ճանաչելու մասին դատարանի՝ օրինական ուժի մեջ մտած վճիռ. առկա է նրա՝ հոգեկան, թմրամիջոցների և (կամ) հոգեմետ (հոգեներգործուն) նյութերի օգտագործմամբ պայմանավորված հիվանդության վերաբերյալ և (կամ) առողջական վիճակը օրենսդրությամբ սահմանված պայմաններին չհամապատասխանելու մասին իրավասու մարմնի եզրակացություն. առկա է վարելու իրավունքից զրկելու մասին դատարանի՝ օրինական ուժի մեջ մտած դատական ակտ կամ **իրավասու այլ մարմնի՝ ուժի մեջ մտած ակտ**, նա մահացել է:

2. Անձի վարորդական վկայականն ուժը կորցնում է, եթե՝ առկա է սույն հոդվածի 1-ին մասով նախատեսված հիմքերից որևէ մեկը. լրացել է վարորդական վկայականի գործողության ժամկետը. վարորդական վկայականը կորել է, և անձը դիմել է նոր վկայական ստանալու համար կամ իրազեկել է կորստյան մասին:

<<Վարչական իրավախախտումների վերաբերյալ>> ՀՀ օրենսգրքի 128-րդ հոդվածի 7-րդ մասի համաձայն՝ անձը համարվում է տրանսպորտային միջոցներ վարելու իրավունքից զրկված, եթե նա օրենքով սահմանված կարգով զրկվել է տրանսպորտային միջոցներ վարելու իրավունքից, և զրկման ժամկետը չի լրացել (...)

<<Վարչական իրավախախտումների վերաբերյալ>> ՀՀ օրենսգրքի 9-րդ հոդվածի 2-րդ պարբերությունը սահմանում է, որ սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

ՀՀ քրեական օրենսգրքի 344-րդ հոդվածի 1-ին մասը քրեական պատասխանատվություն է նախատեսում տրանսպորտային միջոցներ վարելու իրավունքից զրկված կամ տրանսպորտային միջոցներ վարելու իրավունքը կասեցված անձի կողմից տրանսպորտային միջոց վարելու համար:

<<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

Նույն օրենքի 77-րդ հոդվածի 1-ին մասի <<ա>> կետը սահմանում է, որ 63-րդ հոդվածով սահմանված հիմքերը վարչական ակտի փոփոխման կամ բեկանման հիմքեր են:

<<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածի համաձայն՝ վարչական մարմնի ընդունած վարչական ակտի վերաբերյալ բողոքի բացակայության դեպքում այդպիսի ակտ ընդունած վարչական մարմնի վերադաս վարչական մարմինը (պաշտոնատար անձը), վերահսկողության կարգով և իր նախաձեռնությամբ, իրավունք ունի վերանայել ստորադաս վարչական մարմնի ընդունած վարչական ակտը:

Տվյալ պարագայում ՀՀ ՆԳՆ ոստիկանության պարեկային ծառայության Երևան քաղաքի գնդի 4-րդ գումարտակի 2-րդ վաշտի պարեկ Հովհաննես Մարտիրոսյանը 28.05.2023թ.-ի թիվ 8180256190 որոշումն ընդունել է օրենքի սխալ կիրառմամբ, այսինքն՝ ընդունել է ոչ իրավաչափ վարչական ակտ, քանի որ քաղաքացի Սուրեն Հովհաննեսի Օքմինյանի կողմից տրանսպորտային միջոցներ վարելու իրավունքից զրկված վիճակում տրանսպորտային միջոցը վարելը նախատեսում է քրեական պատասխանատվություն, ուստի թիվ **8180256190** որոշումը ենթակա է անվավեր ճանաչման:

«Վարչական իրավախախտումների վերաբերյալ» ՀՀ օրենքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

Այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրեղեն ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

«Վարչական իրավախախտումների վերաբերյալ» ՀՀ օրենքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Ելնելով վերոգրյալից և ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետով և 67-րդ հոդվածով՝

Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 28.05.2023թ. կայացված թիվ 8180256190 որոշումը ճանաչել անվավեր:

2. Որոշման օրինակն երեք աշխատանքային օրվա ընթացքում հանձնել Սուրեն Հովհաննեսի Օքմինյանին և ՀՀ ՆԳՆ ոստիկանության պարեկային ծառայության Երևան քաղաքի գունդ:

3. Նյութերը գրությամբ ուղղարկել ՀՀ ՔԿ Երևան քաղաքի քննչական վարչության ՃՏՀ քննության բաժին՝ քրեական վարույթ նախաձեռնելու հարցը քննարկելու համար:

4. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

Պետի պարտականությունների ժամանակավոր

կատարող, ոստիկանության գնդապետ՝



Ա. Մաթևոսյան